

ad Ptolemaeum. Videbant pauca ingenia a deo ce-
lerriter arripere geometricen, ut statim mirificas
& divinas Ptolemaei demonstrationes adsequi
possent. Et praesertim ante hanc aetatem cum
graci codices Ptolemaei non essent in manibus
hominum, quid intelligi poterat ex Arabicis
versionibus. Ideo probanda est voluntas illorum,
qui epitomas excerpserunt, quas qui recte di-
scunt, tamen magnum operae precium faciunt.
Hinc enim discunt uti planetarum tabulis, ac
supputare motus. Haec exercitia provehunt inge-
niosos, & invitant ad quaerendos fontes. Denique
cum Purbacchij summa fuerit eruditio & singu-
lare in docendo consilium, propter auctoritatem
tantiviri retineamus in scholis hunc libellum
Theoricarum, & eum illustremus, ac studiosis
commendemus. Aiunt Virgilium dixisse, non
minus difficile esse ab Homero versum apte ac
venuste transferre in alias materias, quam Iovi
fulmen extorquere. Ita profecto arbitror non ex-
iguam laudem esse, tam dextre completi sum-
mas prolixarum disputationum Ptolemaei. Et
Purbacchius hoc opusculum iam senex paulo an-
te mortem conscripsit, cum diu ante molitus es-
set alteram illam longiorem Epitomen, quam sic
vocans. Potestque indicari experiundo, an tam
prolixas disputationes tam dextre in summam
togi potuerint ab alio mediocri artifice. Audio
fabre.